

a Parte 3. Concil.
Chalced.

b Epist. Synodica
Achaiae 3. parte
Conc. Chalced.

litarum, ad quos scripsit Leo Imperator qui in fine Concilij Chalcedonen-
sis extat, & in quo Patrensem Episcopum inter eos videre est. Hunc inte-
Suffraganeos Metropolita Corinthiorum, epistolae Synodicae Achaiae sub-
scripsisse non diffiteor: sed quamuis ex hoc satis clare probetur eum Suffra-
ganeos non habuisse huius Concilij tempore, nil tamen obstat, quominus
inter Metropolitae honorarios locum haberet, qui tunc Corinthiorum vero
Metropolitae parebant, & inter eius Suffraganeos subscripti ut plurimum
leguntur in Concilijs.

XXI.
GORTYNA CRE-
TAE METROPO-
LIS.

Gortyna Stephano vrbs Cretae, quae prius Larissa & postea Cremnia vo-
cata est. De hac ita Notitia Graeca Imperij Romani: [Creta habet maximam
Ciuitatem nomine Gortynam, vbi & Circum insignem esse dicunt.] Sed
plura Eustathius ad Dionysium his verbis: [Gortym etiam Gortyna dicitur.
Eam sacram vocat Dionysius, vel propter gloriam, vel imitatus Homerum
qui Ciuitates appellat sacras, propter studium custodiendi eos qui ipsas inha-
bitant. Gortynam autem condidit Taurus ille qui Phoenissam Europam ra-
puit, & Rex Cretae fuit.] Ceterum Theodorus, Gortynae Metropolis Cretae
Episcopus dicitur in Concilio Constantinopolitano Generali quinto colla-
tione octaua, vnde eam Metropolim fuisse negari non potest.

XXII.
ACHRIDA ME-
TROPOLIS SE-
DES PRIMATIS.
c Procop. lib. 4. de
aedific. Iustin.

[Achrida, inquit Procopius, magna plane vrbs est, atque hominum mul-
titudine referta, totius nempe regionis Metropolis, Illyricorum praeterea
Archiepiscopum sortita, & quae propter magnitudinem reliquis alijs ciuita-
tibus antecellit.] Hanc quidam Agathiam secuti, eandem cum Bederina Il-
lyrici vrbe putant, Achridam adiectum existimantes, sicque dictam quasi
summam, id est, primam & Metropolim totius regionis. Sed his silentium im-
ponunt Nicephorus eam Achrido nominans, nec non Guillelmus Tyri Archie-
piscopus, qui eam adhuc suo tempore Acredam vocatam fuisse ait. Hu-
ius verus & proprius situs, ut liberius fatear, ignoratur: nam Nicephorus eam
iuxta Lychnidium lacum in Epiro noua collocat, Zonaras apud Dardaniam
in Bulgaris, & Iustinianus in Pannonia secunda. Sed forte Iustinianus Pan-
noniae nomine Dalmatiam ex eo vocat, quod Pannonia late sumpta hanc
proculdubio complecteretur, ac proinde Praualim quae Dalmatiae pars erat,
& apud quam proprie fuisse Achridam, non leuibus ductus argumentis co-
ijcio. Ego enim alio nomine hanc Praebilim appellari, legi in veteri manuscri-
pto regiae Bibliothecae. Prebilim autem eandem puto fuisse cum Prauali cu-
ius Andreas dicitur Episcopus in eius Relatione, ad Hormisdam, & quae tanto
verisimilius in Prauali collocanda videtur, quod ipsi nomen indiderit. Hanc
saltem a Lichnido seu Lignedo diuersam fuisse ideo certissimum est, quod
in Epistolis eiusdem Hormisdae eodemque tempore Andreas Praualis dica-
tur Episcopus, & Theodoretus Lignedi. Quidquid sit, tamen nihil certi de
huius situ dici posse arbitror. Patria fuit Iustiniani Imperatoris, ut ipsemet te-
statur est Nouella vndecima, hancque idcirco mœnibus cinxit validissimis,
turribus muniuit, miris aedificijs exornauit, Metropolim totius regionis fe-
cit, & ei Iustinianae primae, ad ceterarum distinctionem quas etiam Iusti-
nianas appellauit, nomen indidit. Ab eo siquidem Vlpiana in Dardania
Iustiniana dicta est, teste Procopio, & Carthago Metropolis Africae Iu-
stiniana tertia, ut ex Nouellis colligitur, & Mocissus in Cappadocia &
Cypsela, & Gordus, & Constantia Cypri Metropolis, & Camuliana,
aliaque plures, quarum in Concilijs memoria est. At non tantum hanc

d Guillel. Tyri lib.
20. sacri belli c. 4.

e Niceph. lib. 16. c.
37 & lib. 17. c. 28.
f Zonaras in Basil.
Porphyrogenito 3.
Annal.
g Iustin. Nouella
11.

h Relatio Andrae
Praualitani inter
Epist. Hormisd.

i Suggestio Lega-
torum Hormisd.
inter eius epist.

k Procop. lib. 4. de
aedific. Iustiniani.
l Iustin. Nou. 11.